

PENANGKAPAN ANGGOTA NSF DI BAWAH ISA

Sekretariat sedia bimbing, bantu pelajar di luar negara

BAGI memberikan fokus dan perhatian lebih besar kepada para pelajar Singapura yang menyambung pendidikan Islam di luar negara, Majlis Umma Islam Singapura (Muis) telah menubuhkan Sekretariat Pembangunan Sumber Pelajar (SRDS) pada 2004.

Antara lain, sekretariat itu menyediakan program bimbingan menyeluruh dan membantu golongan pelajar luar negara untuk saling berhubung dengan sesama mereka dan terus

menjalin hubungan dengan Singapura.

Bagi tujuan tersebut, SRDS melaksanakan program orientasi prakeberangkatan, program cuti sekolah dan menganjurkan seminar Singapura serta sesi pendekatan dengan para pelajar di luar negara agar mereka sentiasa peka akan pembangunan di sini.

Langkah tersebut juga membolehkan mereka sealiran dan peka tentang pemikiran agama yang progresif dan isu-isu kon-

temporari.

Sejauh ini sekretariat tersebut telah menganjurkan tujuh program prakeberangkatan dan mengadakan konsultasi kumpulan dan persendirian kepada 400 pelajar dan ibu bapa mereka.

SRDS juga menyediakan kaunseling pendidikan dan memberikan maklumat relevan kepada pelajar mengenai pemilihan institusi bidang pengajian mereka.

SRDS mempunyai senarai

pelajar Singapura yang belajar di luar negara dan disebabkan itu mampu memberikan nasihat dan kaunseling kepada pelajar dan ibu bapa mereka sebelum mereka membuat keputusan untuk belajar di luar negara.

Muis juga telah diberi tugas mengeluarkan *Surat Tanpa Bantahan (Letter of No Objection)* di negara yang memerlukan surat itu bagi pihak pelajar, sebelum dibenarkan menuntut di negara tersebut.